

驪陽陳氏舊己丑譜序

陳生洪疇袖其世譜來請弁卷之文曰我陳昔顯而今微宗族散居四方譜系將無徵宗人之在南者收族姓作譜牒方謀繡梓公亦陳氏之彌甥也可無一言於斯役乎余謹按其譜記自驪陽公驪陽有功於高麗睿宗時其前蓋失傳矣其後百年冠冕赫舄以至于我中宗朝而寢衰不振然而內外子孫尙多可稱噫失今不修其譜將亦寢久而寢忘矣昔三代之際嘗收宗族以厚風俗後世此義不行或至爲所不知何人陳生之慨然興嘆樂爲之助此事者可謂不忘本也况斯譜之成乃在於陳氏積衰之餘盛衰之理本不可常無亦陳氏之後追念前烈必復其始者此爲之兆歟余嘗聞大舜之後封於陳因以爲氏豈驪陽之先來自中國歟今不攷也已丑孟春原任右議政完

山李頤命序

跋

人生第一務莫過於追本敦族而世代寢遠後屬漸踈則厥初
分自一人之身者或至於塗人相視此豈人之本情然哉正以
枝分派流不能記悉於踈遠之後而且其所居不同面名昧然
故也肆譜牒之所由作而雖千枝萬派落落星散開卷一覽恍
然若聚會一室之內族之有譜其重且大如是夫惟我陳氏鼻
祖蓋嘗著顯於麗朝中葉其後冠冕赫世亦多聞人勝流御史
公諱湜司諫諱溱禮賓卿諱溫盡是華國之才自是爲名門望
族至于我朝而名公巨卿文章節行彬々代出門閥之光于
斯盛矣嘗考麗史十五代祖諱俊當庚癸之亂濟活人命甚多
豈餘慶所及子孫之昌如是耶階級漸下盛衰有時故家遺風

漸替於今日而又况累經兵燹之餘譜系失傳世德宗派無所
考據其在雲仍豈不盡傷不肖後孫處亨與猶子大裕有意於
修成族牒經營謀劃已或年所而惟我同宗散在八路或緣馳
書之中滯而再三更通或以道路之復絕而回報稽遲首尾五
六年間畢聚家乘今夏始克修正序次成一大譜而功訖於劄
劄噫石揆李公以追念前烈必復其始爲言此雖未可遽以爲
期盖平生志願已伸不但爲宗中眇末之幸而追本敦族之義
其庶幾不泯云

崇禎紀元後己丑七月初旬後孫處亨謹跋

族之有譜舊也蓋自一人之身有兄弟自兄弟至踈族分而爲
千枝散而爲萬派年代益遙世系益殺則雖聰明疆記者固難
識其萬一此士大夫家必以譜牒爲重也惟我驪陽陳氏素稱

望族其在麗朝鼻祖諱寵厚以平賊大功封于驪陽驪陽之籍

蓋昉於此十五代祖諱俊叅知政府以勳烈繼業十三代中失諱令

獻十一代故

祖諱溱選入翰林院以文章鳴世畧載東史班々可

見矣逮我

聖朝有若判書公

公即麗朝奉翊大夫戶部典書而前譜誤書開國功臣戶曹判

書故

之勳業叅判公之顯敷縣監公之清簡執義公之直節副

學公之文章叅奉公之篤行代不乏人簪組相繼則豈不卓々

乎盛哉不幸中葉以降子姓不蕃門運漸替宦達者稀沉沒者

多累經兵燹又失舊譜則先祖之基業何從而攷信後孫之派

流何據而徵嚮不肖孫洪疇嘗以此盡傷曰振家聲續舊緒固

非湔劣所堪也若夫搜輯見聞以成譜牒則吾責小塞矣有志

未就越至于今幸賴我宗黨馳書相告受諸譜以謀鉉梓噫我

陳氏宗派族系其將自此而不泯也家乘世德其亦自此而復

顯也顧不韙哉洪疇誼當匍匐往從以相斯役而年旣老耄無由致身於千里之外謹書平昔所蓄於心者如此云爾
崇禎紀元後四十八年七月上旬後孫洪疇謹跋

後己丑譜序

謹按譜自父而子沿以下之自子而父溯以上之二十代之間莫匪父子之親也在吾身旣然視吾族亦然則此所以萬派同源千枝一根信乎百代之親矣噫舊譜之刊歲回花甲世代寢遠宗族易踈則追源導流惟在譜牒之中修而迄未有聞宗族咸以時恨焉粵丙子族叔檉後淳氏相議修譜通告八路而文字中滯事未果今春改莎楸行廷杰德星甫欲追先志示以前日通章若往復書輔漢氏力贊九韶甫盡心誠同謀合發文遠近莫不響應六朔之間系單畢集事有成緒博攷史傳旁證羣

譜詳載先代行蹟而祖烈彌彰備錄後屬支派而親誼益篤使我星散諸宗依然若同堂合席列侍於先祖之前則蘇氏所謂觀吾譜孝悌之心油然而生者將於此驗矣語曰根深未茂源遠流長夫是言也豈冠冕閥閱之謂哉惟其功德積累於前而慶澤衍溢於後天將以是爲勸世之徵也則叅政公之武畧功烈司諫公之文章德業政相符矣咨我立門實基先休累功累德曰善曰行大著邦國小稱州里惟世日遠遺聞漸迭匪我是志後人何述自廢鄉貢取士以科吾先之興亦由於是厥有繼者不替前烈昔人撰史賢媛是記况於家牒獨可遺諸懿德幽貞據實爰載骨肉分離落々南北而長懷同源每有馳神爰訪厥居備詳塵里女子之子不在於大書之列者所以正俗謬而別異姓也胄疏族微乃失其系則別譜是收前人有例此吾譜

之要畧也今將修舉千派歸源第觀名家右族莫不有譜而能
念其同根之義者蓋寡則譜無貴也人有恒言曰尊祖睦族而
能知尊睦之道者且尠則言亦徒耳然則今我諸宗豈徒以譜
牒之成爲幸也而已哉嗚呼我諸宗今雖踈遠同是我驪陽君
一人血氣若不念血氣之同連自汨稟質之偏私不有敦睦之
誼則我先祖之靈其肯曰有後而譜亦何爲哉敢以此愚衷懇
懇於今日之諸宗而亦有望於後來之無窮者云爾

今上

英宗
大王

四十五年己丑季冬上浣後孫球拜手謹書

乙丑譜序

吾東盛族以一姓而支分派別各有鄉貫而皆成系牒者不翅
累十百誠不害爲周禮氏族之例矣然其在稀姓孤族則不必
以其異貫而各自爲譜也今陳氏之族增修世譜而前之異貫

各譜者共議合編其於尊祖重本之義不亦善乎是譜以驪陽君爲始祖若其異貫者蓋自梅湖公祖禰昆弟間矣其派系一繙閱而益可瞭然也舊譜有前後二本而當時君子稱其譜成於積衰之餘以爲追念前烈必復其始也噫人之明於譜者儘所以收宗族而厚風俗立忠義而益朝廷凡譜於斯者蓋各追念前烈而孝弟之心油然而生也顧其舊譜不能無踈畧之端梅湖公十七世孫義杰慨然有以攷據釐其錯謬補其闕漏可謂明於譜矣而方在耄齡與其宗少世烈遠來問序於余其意亦勤矣世之覽斯譜者於其先業舊德必有興嘆者多孰復以其近代之不振而少之也從茲以往凡爲驪陽公後裔者雖皆散居遠方而其爲宗誼之篤則視諸各譜時自異尋常宜於歲時花樹之會各相惕勵焉苟能課忠責孝保族宜家則安知後

曩之昌大不如上世之蟬聯哉是爲序
崇禎後三乙丑仲夏德殷宋煥基謹序

跋

凡譜者先王命太史以奠系世正人倫者也然而世代寢遠則不能無差錯兵燹累經則不能無闕漏是故少昊氏不傳之官剡子傳之火正黎未叙之緒馬遷叙之惟我驪陽陳氏舊有百年前世譜而世代寢遠兵燹累經則前後己丑譜與百年前或有年歲之差錯者或有世代之闕漏者勢固然矣不肖孫義杰慨然於斯積有年所矣忘其孤陋不揆僭儂謹攷兵火前家牒暨科譜差錯者釐正之闕漏者補苴之正百年之謬新一代之譜知我罪我其在斯歟且通告諸路貫鄉雖異均是驪陽君后裔則合成一大譜而三陟派則驪陽君六代孫諱懿高麗忠烈

王十二年己卯吏部侍郎封三陟君故其子孫因以爲貫者理所當然而攷諸科榜及諸處家乘則系派昭然其在尊祖重本之誼不可闕漏故茲以合錄後己丑譜中或有漏前入後者或有前別後原者或有前入後漏者或有無后而有后者則今番修譜時皆列書於其派名下今番則或有漏於前後譜者又有入前漏後者或有無后有后者故雖許入於譜中而皆特書於其派名下以備後日之叅攷云爾

崇禎紀元後三乙丑不肖後孫義杰謹跋

己酉譜序

崇普聖人吹律定姓用記厥族所以貴功德賤伎力或氏其官或氏其事聞其氏可知其所以勉人爲善也取宗族厚風俗使不忘本存乎立宗子法宗子長且賢而繼別以下相宗子而又

賢則小而保族宜家大而尊主庇民固所以克吾宗也是故善
爲家者必立爲成法俾有以持循而自強雖不肖者亦未敢遽
越斯法蓋狃於見聞而習於行也故曰士有無位而可以化一
國者睦族是己一國至大睦吾族何由而化之人皆欲睦吾族
而患不得其道耳吾爲之先孰忍棄而不效乎有族者皆睦則
一國興仁誰與不善哉然無所統則無所稽有所稽而明其
統則惟族之有譜焉是賴故程子以明譜系爲收宗族之要法
也陳氏之貫驪陽者名德相望有若驪陽君之勳業叅政公之
惇德御史禮卿梅湖公之文章名世判書縣監公之清節勵俗
叅奉公之篤志好學翰林公之斥姦被禍至蒙 褒贈副學公
之爲兄訟冤致位清顯驪平君松溪公之爲國討賊記績太常
默軒栢谷公之有功斯文崇祀俎豆者乃能以三不朽表姓詎

不是左海之望闕哉近世衰替不振而雲仍相禪散居諸路殆不可勝數皆知尊祖敬宗之義重刊世譜尸其事者曰鍾旭陳氏之宗哲也送其族弟鍾堯問序于不佞不佞閱其編序宗系則綱紀不紊論世德則言行不遺於乎休哉夫天之生物一本也是故名門右族培常豐而溉常厚不敢有一毫侵削而又爲之防範如此本固而榦隆枝葉舉受其庇是爲陳氏積累之攸致而修譜之義諦也往哲有云士未能善世猶當善於其鄉未能善鄉猶當善於其家善於其身德者身之蘊言者身之符顧德之積有厚薄言之發有大小在吾所樹立之如何耳從古聖哲言爲世法行爲世則出一善言行一善行隨所樹立皆可表見是爲善族也陳氏之先本於虞舜々悖叙九族垂裕萬世常思得姓之初乃是神明之胄則尊々親々合族之道行焉回積

衰之氣數復上世之顯榮其將權輿于茲乎陳氏乎其尙永守
無斃哉至若述譜之源委派系之分合該舉於跋齋性潭兩賢
序中茲不復贅焉

崇禎紀元四己酉霜降節唐城洪直弼序

跋

夫世之有族者必有其譜者蓋所以推本原而詳派系也是以
蘇氏譜序曰一人之身分至塗人此慮其踈而言之也黃氏譜
序曰年望相近兄弟復合此原其親而稱之也然則尊祖敬宗
之道孝悌敦睦之風有自來矣惟我陳氏之譜自前後己丑至
乙丑凡三刊焉而其後枝分葉敷愈遠愈暢重修之事有不可
已者吾先子竊嘗有志於斯未克就緒齋恨而歿孤露之慟莫
逮繼述之責是懼藐予不肖極知僭越不能圖卒前功之萬一

而不以此時纂輯修正則後雖有博雅君子將何所考據而尋
墜緒之茫茫乎乃敢倡議諸宗詢謀僉同俾得竣役畧記顛末
而若夫世德之懿美科條之謹嚴前述已備今何可更贅焉
崇禎紀元後四己酉秋七月旣望後孫鍾旭謹跋

驪陽陳氏族譜序

譜者所以收宗族而厚風俗也嗚呼顧今天下之亂已極宗族散矣風俗薄矣此陳氏所以重修其譜者歟其宗哲曷泰曷英千里走書謁余弁卷余見其舊譜序文有踈齋性潭梅山全齋諸賢之述已備矣雖欲續貂只是畫蛇而足耳不亦贅乎無已則有一說焉蓋陳氏之先本於虞舜顏淵曰舜何人也予何人也有爲者亦若是孟子曰舜爲法於天下可傳於後世我猶未免爲鄉人也是則可憂也憂之如何如舜而已矣夫舜天下之大聖也以天下之大聖爲天下之大法以傳於後世其所以爲法而傳之者亦不過因人之所固有者而裁之也故孟子又曰人皆可以爲堯舜況爲其一氣相禪之後孫者乎今其爲法而傳之者亦具在方冊苟能以顏孟之志誦其言而行其行則是

亦舜而已矣陳氏諸公其相與勉旃父母而有頑嚚者則勸之以烝々父不格姦而必至於底豫兄弟而有傲慢者則戒之以不藏怒不宿怨而益篤親愛之情宗姓而有不親不遜者則申之以敬寬之教子孫而有直寬者輔以溫栗剛簡者防其虐傲必使禮樂斯須不去乎身而以致中和之德則已散之宗族可收已薄之風俗歸厚雖天下之大不足治況於一家之親者乎若不祖述其法徒譜焉而曰舜何人也是予之祖也予何人也

是舜之孫也其如舜何哉嗚呼陳氏諸公其各勉旃母或以鄉人是憂昭陽赤奮若觀之下澣德殷宋炳華序

驪陽今洪州陳

氏世譜上編

始祖

陳寵厚

高麗

睿宗朝討賊臣

李資謙以功

為神虎衛大

將軍封驪陽

君

二世

子俊

明宗朝累拜知

樞密院事進

叅知政事判

兵部事見麗

史○松京宗

人舊家乘公

所居在松京

太平館西拂

雲洞

三世

子光純

一作恂

大將軍

子光脩

兵部尙書

四世

子湛

康宗朝門下侍

中

子湜

南宋

光宗紹熙元年

高麗

明宗二十年庚

戌五月文科

翰林學士僕

射御史大夫

西京留守

五世

子昌德

進士

高宗朝十二年

庚辰榜文科

右承宣

公諱脚謹依

科譜改正

子鑑

文科戶部尙

書

六世

子升佑

見下仁編一

板

子翼平

見下義一編

一板

子翼龍

見下義二編

一板

子高處

子元奇

跋

謹按尊祖重本人心之秉彝收族厚俗先賢之遺訓也惟我陳氏之譜尙鑑茲哉嗚乎始祖驪陽君之平賊大功二世叅政公之全活陰德實立門之基昌世之兆而歷至四世承武貽厥相望匹美侍中御史禮卿梅湖與農五派子孫之盛分爲十三派而其麗不億信乎其氏葉之受靈也由是子姓益蕃世代寢遠親者愈疏近者愈遠將至於寢久而寢忘久而忘是或勢然而情有所不通者故於是乎作譜牒以收之若夫前後己丑乙丑己酉之譜所以重鐫續刊燎然乎同源一本要知其世代昭穆是乃彝倫攸叙收族厚俗之實也今去己酉遠六十七載尙闕重修之舉茲豈非星散諸宗之遺憾耶粵在壬子畿湖錦嶺諸宗氏舉此大譜之論曰遭值時事之艱難庶黎之頽頽以其簪

纓遺裔同爲沉沒於草昧者不修於今復何足徵於後義之所
在謀亦僉同馳書八路修單響從費勞四個年就緒巨創若吳
秦氏之經始專力舜洪敬洙德鉉吳英哲華相哲甫之周旋盡
誠寔出於秉彝果吾宗門克紹先志者也不肖正顯義亦不敢
辭者故匍匐從事欲做萬一而再經冬功告訖茲乃宗門之幸
亦將有感於斯乎凡十三編之間莫匪我祖宗血氣焉有尊祖
而不念其同氣者乎咨我諸宗能以祖宗一視子孫之心爲心
親陸益篤則庶幾無忝於前而有補於後敢以愚衷懇々於諸
宗亦因以自警焉

乙卯四月日後孫正顯盟手謹書